

百宋樓藏書志

詒宋樓藏書志卷五十七

存齋雜纂之六

歸安陸心源剛甫編

子部

雜家類三

論衡三十卷

明通津草堂刊本

漢王充

王氏族姓行狀於自紀篇述之詳矣范曄東漢列傳云充字仲任嘗受業太學師事班彪博覽而不守章句家貧無書嘗遊雒陽市肆閱所賣書一見輒能誦憶遂博通眾流百家之言充好

論說始若詭異終有理實以爲俗儒守文多失
其眞乃閉門潛思禮絕慶弔戶牖牆壁各置刀
筆著論衡八十五篇二十餘萬言釋物類同異
正時俗嫌疑訂百氏之增虛詰九流之拘誕天
人之際悉所會通性命之理靡不窮盡析理折
衷此書爲多旣作之後中土未有傳者蔡邕入
吳會始得之常祕玩以爲談助故時人嫌伯喈
得異書或搜求其帳中隱處果得論衡抱數卷
持去邕丁寧之曰惟我與爾共之勿廣也其後
王郎來守會稽又得其書及還許下時人稱其

才進或曰不見異人當得異書問之果以論衡
之益錄是遂見傳焉流行四方今殆千載撰六
帖者但摘而爲備用作意林者止鈔而同諸子
吾鄉好事者往往自守書櫝爲家寶然其篇卷
脫漏文字踳駁魯魚甚眾亥豕益訛或首尾顛
躓而不聯或句讀轉易而不能通其讀焉余幼
好聚書於論衡尤多購獲自一紀中得俗本七
率二十七卷其一程氏西齋所貯蓋今起居舍
人彭公乘曾所對正者也又得史館本二各三
十卷乃庫部郎中李公秉前所校者也余嘗廢

寢食討尋眾本雖略經修改尙互有闕遺意其
謄錄者誤有推移校勘者妄加刪削致條綱紊
亂旨趣乖違儻遂傳行必差理實今研覈數本
之內率以少錯者爲主然後互質疑謬沿造本
源譌者譯之散者聚之亡者追之俾斷者仍續
闕者復補惟古今字有通用稍存之又爲改正
塗注凡一萬一千二百五十九字有如日星之
麗天順經躔而軌道河海之紀地自源委以安
流其文取譬連類雄辯宏博豈止爲談助才進
而已哉信乃士君子之先覺者也秉筆之士能

無祕玩乎卽募工刊印庶傳不泯有益學者非
矜已功不敢同王蔡之徒待搜之然後得而共
問之然後言其益也時聖宋慶厯五年二月二
十六日前進士楊文昌題序

風俗通義十卷附錄一卷

明嘉靖刊本

漢太山太守應劭撰

上行下倣謂之風眾心安定謂之俗移風易俗
在則人亡則書此應劭風俗通所由作也然漢
世有其書後人著述多引以爲證今罕見全本
錫學比刊白虎通矣風俗通式體書也尙缺焉

三衢毛希聖挈來橫經錫守劉平父一見以此
勉之遂綉梓于學客有自錫山來者道廣文此
意徵予跋語余深嘉文教之浹洽異書迭出可
爲斯道賀敬因其請而題於篇首云大德丁未
中和節太中大夫行都水監李果題

余在餘杭借本於會稽陳正卿正卿蓋得于中
書徐淵子訛舛已甚殆不可讀愛其近古抄錄
藏之攜至中都得館中本及孔復君寺丞本互
加參考始可句讀今刻之夔學好古者或得善
本從而增改是所望云嘉定十三年秋七月庚

子東徐丁黼書

封氏聞見記十卷

舊抄本

馬笏齋舊藏

唐朝散大夫檢校尚書吏部郎中兼御史中丞
封演撰

案此本較雅雨堂刊本多數條詳儀顧堂二集
春明退朝錄三卷 宋刊本

宋宋敏求撰

熙甯三年予以諫議大夫奉朝請每退食觀唐人泊本朝名輩撰著以補史遺者因纂所聞見繼之先廬在春明里題爲春明退朝錄云十一

月晦常山宋敏求述

宋景文公筆記三卷 宋刊本

宋 宋祁撰

右筆記三弓以數本參訂粗少舛 景文公議
論攷據精切如此然前輩猶一二可疑如骨菜
字蓋搨字古作菜嘗飾以骨故曰骨菜後世吏
文略去廿又菜朶二音相近故譌爲朶耳鮑照
因武塋而改爲昭非誤用也冉耕字伯牛而古
犁字亦從牛則牛耕不始於漢矣移者今郁李
也非開而反合者也酈道元水經注云薛瓊注

漢書則謂臣瓚爲于瓚者非也集韻一書乃景
文公與諸公撰定者去聲旣出朴字蒲候切入
聲又出朴字匹角切與樸同今謂朴无樸音何
耶卯乃古卿字又音壘今謂卯本柳字又何耶
衍旣加點勘又以所聞於前輩者識其後寶慶
二年四月初吉上虞李衍謹書

筆記三卷

舊抄本

吾竹房校本

宋宋祁撰

東原錄一卷

舊鈔本

宋龔鼎臣撰

塵史一卷

舊鈔本

宋鳳臺子王得臣彥輔撰

予年甫成童親命從學於京師凡十閱寒暑始竊一第已而宦牒奔走轍環南北而逮歷三紀故自師友之餘論賓僚之燕談與耳目之所及苟有所得輒皆記之晚踰耳順自大農致爲臣而歸闔扉養病日益無事發取所記積稿猥多於是重加刊定得二百八十四事其間自朝廷至州里有可訓可法可鑒可誠者無不載又病其艱於討究遂類以相從別爲四十四門總成

三卷名曰塵史蓋取出夫寔錄以其無溢美無
隱惡而已雖小道必有可觀者焉覽之者幸毋
我謂時行年八十皇宋政和歲在乙未元日追
爲之序鳳臺子王得臣字彥輔

塵史三卷

宋刊本

鳳臺子王得臣彥輔撰

張太史明道雜志一卷

明嘉靖覆宋本

宋宛丘張耒文潛選

右史張公凡三至黃詩文載諸郡志多矣及觀
明道雜志其間紀黃事尤詳因刻板道院亦以

補郡志之闕慶元庚申三月既望郡守東嘉陳

升識

夢溪筆談二十六卷

宋刊本

沈括存中述

白序

廣陵曩丁雲擾幸存費宮兩廡析爲官舍儲粟之所士皆暴露時有子矜之歎大帥周侯開藩之二年慨然謂成俗之方本乎禮義學宮又禮義之本一日盡屏官舍儲廩於外因其舊扶顛易圯而新之繼廣田租稍增生員尋又斥其餘

刊沈公筆談爲養士亡窮之利今方領修秩彬
彬然禮義之風皆昔之在城闕者也夫教養相
須旣教而養之蔑如雖唐虞不能以化民此稷
契二官所以相爲表裏也今旣闢紃歌之地又
開資給之源可謂教養兼得矣此書六庫舊有
之往往賈易以充郡帑不及學校今茲及是益
見薄於己而厚於士賢前人遠矣修年代匱泮
宮備校書之職謹識其本末且證辨訛舛凡五
十餘字疑者無他本不敢以意驟易姑存其舊
以俟好古博雅君子筆談所紀皆祖宗盛時典

故卿相太平事業及前世制作之美雖日見耳
聞者皆有補於世非他雜誌之比云乾道二年
六月日左迪功郎充揚州州學教授湯修年跋
案此書相傳爲宋刊本語涉宋帝皆空格惟不
避宋諱爲可疑每葉二十四行每行十八字小
黑口

東坡志林集一卷 宋刊本

宋蘇軾撰

仇池筆記二卷 明刊本

宋蘇軾撰

珩璜新論一卷 舊抄本 秀野草堂舊藏

臨江孔平仲毅父

黃氏手跋曰去冬於坊間見插架有寄賣之書
偶檢三四種與易家刻書歲莫議成兩箇無事
因取舊藏七槍山房鈔本經立齋相國手校者
手校此冊原本載毛汲古珍藏祕本書目此冊
出顧秀野藏故與毛本相近云 毛目並未載明
雲卿跋但云中有夾甲申春正月十有八日老
籤係徐立齋中堂筆

堯記

七槍山房者海虞楊夢羽家書齋名也其藏書

所曰萬卷樓人所共知七檜山房則人罕知矣
是書後有墨筆題識出莫廷韓雲卿手始猶謂
是雲卿偶得耳頃常熟友人陳子準來觀書于
百宋一篋欲訪海虞故家藏本述及是書云五
川身後因事破累舉所藏書歸諸莫氏蓋雲卿
爲五川之甥故也此一段故實惟海虞人知之
予不之知也子準意欲搜羅其邑人舊藏諸書
仍歸故土并欲葺諸家藏書原委爲邑中文獻
因丐予以原值歸之子老矣向有所見古書錄
之輯將所藏者爲正編所見而未藏者爲附編

悉載諸家藏書源流而稿屬草創卒以家累故
逐漸散逸即使有簿錄可稽第存其名其詳不
可得而考也茲子準矢願如是不可欽邪是書
偶並收之而復手校之若隱隱伏此番以原本
贈人之機緘矣二月二十有七日晨起尙未梳
洗臨窗忍寒書老蕘

又曰珩璜新論豈奇書汲古珍藏至寶如識是

立齋相公筆五錢估直待沽諸

子取時用番銀
七餅費賤懸殊

一至
于此七檜山房萬卷樓楊家書籍莫家收而今

合浦珠還日識寶端須象罔求

謂子
準老蕘戲題

案雲卿與董文敏相傳是甥舅今又云爲五川之甥未知其的尙當細詢諸子準恐子記憶不情也

玠璜新語一卷

舊鈔本

宋臨江孔平仲毅父撰

晁氏客語一卷

宋刊本

宋晁說之撰

晁氏客語一卷

明刊本

宋晁說之撰

師友談記一卷

宋刊本

宋太華逸民諡超曠文子李廌方叔撰

呂氏雜記二卷 舊抄本

宋呂希哲撰

冷齋夜話十卷 元刊本 鄭杰舊藏

宋僧惠洪撰

是書僧惠洪所編也洪本筠州彭氏子祝髮爲僧以詩名聞海內與蘇黃爲方外交是書古今傳記與夫騷人墨客多所取用惜舊本訛謬且兵火散失之餘幾不傳於今本堂家藏善本與舊本編次大有不同再加訂正以綉諸梓與同志者共之幸鑒至正癸未春新刊三衢石林葉

敦印

案此元刊本每葉十八行每行十七字卷有鄭杰之印昌英珍藏朱文兩方印鄭氏注韓居珍藏記朱文長印

元城先生語錄三卷附行錄一卷

元刊本

宋左朝散郎主管江州太平觀賜緋魚袋馬永

卿編

余觀馬永卿所著元城先生語錄嗚呼前輩不復見矣使余讀之至於三歎息也余攷先生所學所論皆自不妄語中來其論時事論經史皆

攷訂是非別白長短不詭隨不雷同不欺於心而終之以慎重此皆不妄語之功也司馬溫公心法先生其得之矣紹興丙子八月范陽張九成序

僕家高郵少從外家張氏諸舅學問五舅氏諱樞字聖作七舅氏諱桐字茂寔九舅氏諱楫字濟川大觀三年冬僕將赴亳州永城縣主簿七舅氏戒僕曰永城有寄居劉待制者汝知之乎僕謝不知舅氏因爲言先生出處起居之詳且曰汝到任可以書求教僕到任之次日因上謁

三日以書求教先生曰若果不鄙幸時見過僕
因三兩日一造門後數月先生以僕爲可教意
亦自喜嘗曰某在謫籍少人過從賢者少年初
仕宦肯來相送願它日無負此言是時先生寓
于縣之回車院年六十三而容貌堂堂精神言
語雄偉闊爽每見客無寒暑無早晏必冠帶而
出雖談論踰時體無欲側肩背聳直身不少動
至手足亦不移噫可畏人也僕從之學凡一年
有餘後先生居南京僕往來數見之退必疏其
語今已二十六年矣僕既不能卓然自立行其

所學以追前輩已負先生之託矣若又不能追錄先生之言使之泯絕則僕之罪大僕懷此志久矣獨以奔走因循欲作復止比因竊祿祠廩晨昏之暇輒追錄之以傳子孫蓋以僕聲名之微不能使它人之必傳也先生元城人諱安世字器之事在國史紹興五年正月望日維揚馬永卿大年序

元城先生語錄解三卷

明嘉靖刊本

宋左朝散郎主管江州太平觀賜緋魚袋

臣馬

永卿編後學開州端溪子王崇慶解

張九成序

馬永卿序

高金序

嘉靖丁酉

顧鐸跋

嘉靖八年

呂構序

嘉靖七年

懶真子錄五卷

舊鈔本

胡心耘舊藏

廣陵馬永卿大年

胡氏手跋曰己未冬借恬裕齋瞿氏所藏明絲

絲閣鈔本錄副

行款悉同

復用裱海本校勘凡十日

而畢十一月二十二日誌於琳琅祕室之北窗

下胡珽

又曰庚申正月勞季言先生寄來手校本一冊
因竭半月之功用藍筆渡校三月十一日覆校
畢心耘

又曰閏三月初七日借得說郛第四十弓內所
載懶真子錄校一過

春渚紀聞十卷 明抄本 述古堂舊藏

宋 韓青老農何遠撰

嘉靖丙戌菊月望日膳錄

無名氏手跋曰崇禎庚寅從宋本校一過潛在

樂城先生遺言一卷 宋刊本

宋眉山蘇籀記

石林燕語十卷 明刊本 汲古閣舊藏

宋葉夢得撰子棟程模編

宣和五年余既卜別館於卞山之石林谷稍遠
城市不復更交世事故人親戚時一相過周旋
巖岩之下無與爲娛縱談所及多故寔舊聞或
古今嘉言善行皆少日所傳於長老名流及出
入中朝身所踐更者下至田夫野老之言與夫
滑稽諧諠之辭時以抵掌一笑窮谷無事偶遇

筆札隨輟書之建炎二年避亂縉雲歸寧兵火蕩
析之餘井閭湮廢前日之客死亡轉徙略相半
而余亦老矣荐羅變故志意銷墮平日所覓聞
日以廢忘因令棟更哀集爲十卷以石林燕語
名之其言先後本無倫次不復更整齊孔子論
虞仲夷逸曰隱居放言而公明賈論公叔文子
曰夫子時然後言人不厭其言子曰然夫言不
言吾何敢議抑謂初無意於言而言則雖未免
有言以余爲未嘗言可也八月望日石林山人

序

楊武跋 正德元年

石林燕語考異十卷 舊抄本

宋栗夢得撰子棟程模編字文紹節攷異

自序

岩下放言三卷 抄本

宋石林翁 **栗夢得**撰

虞仲夷逸隱居放言古今學者皆以放爲置謂若默而不言者余謂不然古語放皆訓肆如放心放於利之類本無置義逆命雖音不同亦直而犯上之義蓋前論柳下惠少連言中倫行中

慮皆有所擇也放言進於中偷身中清廢中權
進於中慮言之自有次第予掛冠以來口固未
嘗及世務然交親往來兒輩環繞耳目所及何
能自苦至于不言亦任之耳時時或自紀錄因
目之爲岩下放言云

巖下放言三卷

舊抄本

宋石林翁葉夢得撰

季氏題跋曰虞山瞿氏藏有魚元傅鈔本巖下
放言三卷以之校覈改譌二字填注一字補脫
一葉餘悉相同蓋均出袁氏本也大抵此書以

漢陽葉氏本爲最善依之校定可無遺憾矣心
耘詞兄囑爲襄校爰書數語以質之丁巳小春
上旬婁東李錫疇記

乙卯避暑錄話二卷 影寫宋刊本

宋葉夢得少蘊著

紫薇雜說一卷師友雜誌一卷 舊鈔本

宋呂本中撰

常談一卷 文淵閣傳鈔本

宋吳箕撰

寓簡十卷 舊鈔本

宋寓山沈作喆明遠纂 板心有小草齋鈔本
五字卷首有晉陵謝氏家藏圖記證明謝肇淛
藏本也

白序

雲麓漫鈔十五卷 影寫宋刊本

宋雲麓趙彥衛景安撰

擁鑪間記十卷近刊于漢東學宮頗有索觀者
無以應其求承乏來此適有閒版併後五卷刻
諸郡齋近有避暑錄似與之爲對易曰雲麓漫
鈔云開禧二年重陽日新安郡守趙彥衛景安

書于黃山堂

釋常談二卷 鈔本

不著撰人名氏

世有輕裘公子長欵少年策玉轡于春朝風流
可愛酌金壺于月夜逸樂無借泊乎陪佳客之
談諧與儒士之言論理涉隱諭不究津涯幾至
面牆真可痛惜遂乃採古經之祕義撮前史之
奧詞僅以成編隨目注解總得二百事名曰釋
常談庶有飾于蕪詞固不愧于博學其或繼玉
塵尾者無倦習之云爾

新刊履齋示兒編二十三卷

顧千里校宋本

宋廬陵鄉先生孫奕季昭撰

杜子美示宗武有詩韓退之示兒有詩學者至
今誦之而東坡先生一以爲聖賢一以爲祿事
殆若有所區別然君子苟不能忘其子則隨其
資而示以意使之知學則一而已余之少也猶
不如人今老矣所望者惟子與孫然懶惰無匹
聞學褊隘上不能進之於聖賢之域下不能引
之於利祿之塗則以平生之末學者示之是亦
使之知學之意也苟竄無金教無經一再世不

爲君子之歸可不懼哉於是攷評經傳漁獵訓
詁以立總說經說文說詩正誤雜記字說凡七
條大抵論焉而不盡盡焉而不確非敢以污當
代英明之眼姑以示之子孫耳故名曰示兒編
使後世賢廣吾意不賢毋謂不汝誨也吾子其
懋戒之哉開禧元祀九月上浣廬陵孫奕書
示兒一編孫先生之與後學者渥矣辯經傳之
同異核文辭之是非詩之評字之正人物之綺
談奇聞奧旨靡所不載歲月彌深散亂磨滅學
者病之本堂重加訂正以壽諸梓薦意義方者

毋借家置一通癸未月正元日晚學廬陵胡楷

子式誌

履齋示兒編二十三卷 明刊本

宋廬陵孫奕季昭父撰

李維撰序

潘膺祉序

卧游錄一卷 明嘉靖刊本

宋呂祖謙撰

太史東萊先生晚歲卧家深居一室若與世相
忘而其周覽山川收拾人物之意未能已也因

有感於宗少文卧游之語每遇昔人記載人境
之勝輒命門人隨手筆之而目之曰卧游錄非
直以爲怡神玩志之具而已嘗遺益國周公書
曰近書新銜時初授亳州明道宮譙沛真源恍然在日若

更十年不死則嵩之崇福充之大極華之雲臺
皆可卧游也觀此則先生故國之念未嘗一日
去心卧游之意抑又深遠矣此書未及成編而
已迫夢奠後二十餘年先生之從子喬年既取
卧游二字扁先生燕寢之堂復以是編屬東陽
邵君淇書之且屬深源識其顛末深源曩侍大

愚先生見先生之愛玩是書也因請刻之祠中
以惠同志觀者僅自得之庶幾遺意之尙可追
乎嘉定九年二月望日學子王深源謹書

宜齋野乘五卷續一卷

明仿宋刊本

■江陰吳枋方才選

枋自四十歲以來榮念已絕獨於嗜書一事如
饑之於食渴之於飲未嘗一日忘情也嘗記周
益公二老雜詠載陸務觀言司馬溫公聞新事
卽錄于冊且記所言之人近時鄱陽董草庭檢
閱亦然枋不免倣顰凡耳之所聞目之所見口

之所誦心之所得隨手鈔記目曰野乘已積成
十餘卷壬午歲夏五月錢塘金波橋遺畢方之
禍延燎數萬家儲書寄留癸辛街楊和王府盡
爲劫灰七月巧夕於里仁坊舊地作小樓二間
以庇風雨至八月落成始能追記一二鈔錄之
白樂天與元微之書云除讀書屬文外其他懵
然無知乃至書畫碁博可以接羣居之歡者一
無通曉卽其愚拙可知矣初之才固萬萬不及
樂天嘗疑此語似爲予發以此嗜書之心牢不
可破矣雖然不知後之人能爲傳一二耶抑用

乙覆醬瓿也甲申八月芙蓉城人吳枋書

游宦記聞十卷

宋刊本

宋張世南撰

游宦記聞十卷

舊鈔本

宋張世南撰

密齋筆記六卷

文淵閣傳抄本

宋謝采伯撰

寶祐乙卯天台謝公鼓院來守臨川宗旦實爲
贊貳一日以密齋筆記授宗旦曰此吾先君子
晚年之所著也宗旦受而讀之驚喜歎賞如遊

黃山如閱海市瑰奇詭異之物雜然前陳駭目
洞心應接不暇是豈淺鮮者所能到哉其殆貫
穿百家馳騫千載者歟夫士非窮愁莫能著書
一行作吏此事便廢常情之通患也矧者臺高
蹈燕居引恬未有肯措意於筆硯者密齋以宰
相子數歷中外薦更麾節晚境倦游乃能逍遙
里第耽玩墳索抽毫瀆墨述所得以自見於世
所謂富貴不能淫年彌高而德彌劭者密齋有
焉陸賈當功名遂之餘乞身歸田擁車騎負
寶劍遊遊諸子閒醪酒擊鮮以自娛樂追思向

來新語殆如夢事向子平隱居讀易自男婚女
嫁之後斷絕家事勿使相關迺肆意於名山大
川之觀曩時韋編不得過眼矣王逸少蘭亭一
序似能言者及其守早退之節又不遇企慕子
平所爲盡山水之遊求藥石植桑果抱子弄孫
以卒歲於著書乎何有以密齋視三子富貴年
齒度越遠甚謂宜屏卻簡編燕酣登眺可也而
密齋之所樂爲有三子之所不克爲者由是言
之士大夫晚節嗜好有不迷其初者鮮矣觀密
齋自序謂以此書傳示子孫使知其老不廢學

噫此其詒謀微意又可與俗人言哉越明年錢梓郡齋輒爲題其後鼓院名奔楨密齋先生次子也寶祐丙辰夏五中辭通直郎添差通判撫州軍州兼管內勸農營田事王宗旦謹書

予好漁獵書傳時年六十有三易班東歸天賜一閒無以解日書生結習未除亦自拗有問見豈應以鵠弁泯沒遂著於篇以示兒輩曰或問者兒輩所質問也經史本朝文藝雜說幾五萬餘言固未足追媿古作要之無抵牾於聖人不猶愈於稗官小說傳奇志怪之流乎庶後之子

孫知余老不廢學云爾淳祐元年辛丑長至謝
宋伯元若甫引

右密齋筆記別經史本朝文藝雜書釐爲五卷
續記一卷先公易班東歸晚年著此比錢梓家
塾而字小不便老眼舛誤未暇考訂弈楸挈來
臨汝欲刻置郡齋迺是正魚魯其間至有脫簡
者亦復增補使備始得爲善本一夕夢先公若
有喜色謂奕楸曰汝日所爲吾從旁覘之行又
往婺女矣蓋大卿兄守婺故也嗚呼先公歿六
年而精爽炯然託諸夢以詔諸孤一舉措頃在

其左右顧不肖何以稱塞惟戰戰兢兢是戒是
懼而已既刊此書屬兩倅題卷末輒復記此時
寶祐丙辰孟秋中浣男奉議郎權知撫州軍州
兼管內勸農營田事節制軍馬奔楸百拜書

昔歐陽公著歸田錄范蜀公作東齋記事皆在
辭蟬捨冕後蓋前輩於文章翰墨若飢食渴飲
未嘗一日廢非有老壯之分仕止之間也密齋
先生年六十有三卽刈節杜門淡然無營惟耽
玩書史遠紹旁搜今觀筆記一書如武庫乍開
戈矛劍戟犀利森列使八毛髮竦豎非冒次千

古筆力萬鈞疇克爾歟其視歐范二公風流蓋
藉相似也臨川使君一日出示家集且病舊板
漫漶字有脫誤將屬太史王公是正之別錄之
梓方動念間忽夢密齋如平生是知公於斯文
雖神遊八極未能忘情嗚呼其精爽豈不可敬
畏哉漢韋賢父子以明經爲宰相時爲之語曰
遺子黃金滿籬不如教子一經今密齋獨以文
印傳子孫而使君又克成先志是亦韋氏一經
之教由此觀之君家之福未艾也寶祐丙辰季

夏朔日通直郎通判撫州軍州兼管內勸農營

田事成公策議

商宋樓藏書志卷五十七

而宋樓藏書志卷五十八

存齋雜纂之六

歸安陸心源剛甫編

子部

雜家類四

梁谿漫志十卷

明刊本

豐對樓舊藏

●費衮補之

前輩之學不徒爲空言也施之於用然後爲言
故掌制作命則言抗疏論諫則言知人安民矢
諛則言舍是而有言焉所謂垂世立教者則亦
不得已云爾予生無益於時其學迂濶無所可

用暇日時以所欲言者記之於紙歲月浸久積而成編因目以漫志嗟夫竟何謂哉願非有用之言且非有所不得已譬之候蟲逢秋自唵自止識者當亦爲之歎笑邪紹熙三年十一月二十日梁谿費袞補之序

右費君補之所著梁谿漫志十卷予頃在戊申之歲見其副於都城則知愛慕之今年春補之以書來曰吾成此書勤亦至矣欲廣其傳而力不逮子爲邑之暇盍爲我圖之予曰是吾心也乃命工刻之縣齋而誌其後曰夫鳳凰芝草賢

愚皆知其美瑞補之之書不待予贊而傳也若
自時厥後近自京邑遠及遐徼家藏此書人挾
此策則當自丹楊始嘉泰改元中秋晉陵施濟
書

近見費補之

袞

梁谿漫志紹興間韓蘄王自樞

密使就第放浪湖山匹馬數童飄然意行一日
至湖上遙望蘇仲虎尙書晏客蘄王徑造其席
喜甚醉歸翌日折簡謝餉以羊羔且作二詞手
書以贈蘇公緘藏之親題其上云二閱三紙勿
亂動淳熙丁未蘇公之子壽父山丞太府攜以

示斬王長子莊敏公莊敏以示予字畫殊傾欽
然其詞乃林下道人語莊敏云先人生長兵間
不解書晚年乃稍能之耳嘉定改元莊敏公次
子樞密承旨帶御器械以二詞石本見示益信
梁谿之說但詞中一二字不同耳昔人有竟病
之詩及塞北烟塵之句雖皆可稱殆未有超然
物外如斬王之曠達者也中元日四明樓鑰書
國史實錄院牒國子免解費進士勘會本院恭
奉聖旨指揮編修高宗皇帝孝宗皇帝光宗皇
帝三朝正史今有合申請事開具下項內一項

一今來編修三朝正史合要文臣卿監武臣刺史以上宗室大將軍應生前事迹墓誌行狀碑誌奏議文集及前後所得聖語并御筆文字等參修纂及官雖卑或事有可紀者亦合立傳併乞朝廷劄下諸路轉運司行下所管州軍監縣鎮嚴限子細搜訪抄錄申發赴院以憑參修施行伏候指揮六月十七日三省同奉聖旨依劄付院當院今訪問得國子免解費進士袁有所著梁谿漫志十卷須至公文牒請遵從已降聖旨指揮抄錄前項所要文字點對無差漏申發

赴院以備參修使用不許違滯故牒開禧二年

二月日牒

承事郎守祕書省校書郎兼國史院編修官兼
實錄院檢討官蘇朝散郎充樞密院編修官兼
國史院編修官兼實錄院檢討官周朝散郎尙
書都官員外郎兼國史院編修官兼實錄院檢
討官譙朝請大夫起居郎兼國史院編修官兼
實錄院檢討官史中奉大夫行軍器監兼國史
院編修官兼實錄院檢討官廖朝奉大夫守祕
書少監兼國史編修官兼實錄院檢討官兼翰

林權直徐朝議大夫試尙書刑部侍郎兼同修
國史兼實錄院同修撰兼侍講兼工部侍郎兼
吏部侍郎陸朝議大夫試尙書禮部侍郎兼同
修國史兼實錄院同修撰兼直學士院兼樞密
都承旨兼侍讀李大中大夫試尙書吏部尙書
兼同修國史兼實錄院同修撰兼國用司叅計
官兼侍讀差充湖北京西路宣諭使薛奉使
朝議大夫試尙書吏部侍郎兼同修國史兼實
錄院同修撰兼侍讀兼權吏部尙書楊

梁谿漫志十卷

舊抄本

宋費袞補之撰

自序

施濟跋

醉翁談錄四卷

抄本

從政郎新衡州錄事參軍金盈之撰

筆經室外集醉翁談錄五卷宋金盈之撰案盈之家世汴京南渡後官從政郎衡州錄事參軍此書載黃虞稷千頃堂書目第一卷名公佳製載宋以來名卿大夫詩文各體第二卷榮貴要覽畧述唐宋中恩榮遺制第三四卷則爲京城

風俗記備載宋室全盛時汴京風物繁華之盛
凡所見聞案月搜記如四時風俗好尚無不畢
載第五卷瑣聞記聞載唐時遺事爲多書中所
載詩文雜事雖屬瑣碎然博聞洽見足資談助
可與夢華夢梁等錄並傳也

愧郊錄十五卷

宋刊本 朱卧菴舊藏

宋相臺岳珂撰

自序

後序

案每葉十八行每行十七字版心有字數及刻

工姓名百宋一屬賦所有抄補四卷此本完善
尤爲難得卷中有朱卧菴攷藏印朱文長印朱
之赤鑿賞朱文長印華菱頤藏朱文長印白舫
朱文方印

祛疑說一卷 宋刊本

宋雲間儲泳撰

經鉏堂雜誌八卷 明刊本 鮑深飲校

宋霄川倪思正父撰

朱大復序 萬曆庚子

金有華跋 萬曆庚子

鶴林玉露十六卷

明刊本

宋廬陵羅大經景綸撰

玉峯先生脚氣集二卷

書抄本

命矢尺鳧舊藏

宋天台車若水清臣著

咸淳甲戌冬伯父脚氣病作時以書自娛隨所見而錄寢復成編因目曰脚氣集嗣歲春仲不幸頓忘亦絕麟之筆也凡平昔有書之別帙者可勝紀哉兵火禍滋咸爲煨燼惟賴此編之獨存亦云幸矣從子惟一拜謹識

此書適管而敏家藏本借錄於城南寓舍映雪

竹齋時吳元年歲在丁未臘月廿八日庚午華
亭孫道明叔父年七十有一

吳焯手跋曰案文獻通考續只載浙人車若水
玉峯冗橐及道統錄二種獨無此目觀是編從
子惟一後跋蓋若水晚年所著故有絕麟之語
想當時未刻故別書日部不載余考台郡志若
水黃巖人祖似慶潛心理學號隘軒著有五經
論閒居錄隘軒文集杜清獻範陳貧窗耆卿爲
之序若水學古文於貧窗後從清獻游尋往來
王魯齋之門深得晦翁緒論著大學沿革論魯

齋謂其洞照千古錯簡使朱子聞之當爲莞爾
所著有道統錄宇宙紀畧世運錄玉峯兀藥亦
不題此目洵爲當時所未刻是編之傳真幸也
康熙乙未清和二十又一日

又曰此編刻于陳眉公祕笈中又得乘暇檢校
互有錯字今成完書又記

玉峯先生脚氣集二卷

抄本

瑣川吳氏舊藏

宋天台車若水清臣

撰

吹劍錄一卷

舊抄本

鮑以文舊藏

宋俞允文撰

余以文字之緣漫浪江湖者四十年乃今倦游
索居京國應酬簡省心跡稍寧東坡詩惟有王
城最堪隱萬人如海一身藏因名所居爲堪隱
掩關守泊條理故書以昔見聞與今所得信筆
錄之莊子云吹劍首者快而已映許劣反謂無
韻也滴卮三年人日括蒼俞文豹文蔚序

此編已刊行板留書肆不可復得因刪舊添新
再與續集並刊

鮑氏手跋曰嘉慶丁卯三月通介叟錄于萊市
橋舟次

藏一話腴內編二卷外編二卷

舊抄本

宋陳郁撰

陳藏一以詩文名世真西山劉漫塘陳習庵交稱之余始過其語今觀所述話腴博聞強記出入經史研攷本末則則可法度而風月夢怪嘲譎訛誕淫麗氣習淨沈無遺豈非自思無邪三字中踐履純熟致是耶乃知三君子可謂具眼矣嘗謂近時江湖詩人多然不誇而誕則空而迂流干謁者皆是惟藏一閉戶終日窮討編籍足不蹈毀譽之域身不登權勢之門及叩其中

則詞源學海浩乎莫之涯涘若藏一豈多得哉
詩史曰讀書破萬卷下筆如有神因爲藏一誦
而俾書之編首云棠湖翁岳珂肅之

厚德錄三卷

宋刊本

宋百鍊真隱李元綱編

佩韋齋輯聞四卷

舊抄本

宋俞德鄰撰

書齋夜話四卷

舊抄本

宋林屋山人俞琰玉吾撰

玉吾余友也讀易彈琴晚學內外丹訣自謂得

道余嘗從其借手抄丹經服其收拾浩瀚復以
所著易會要集說示予方欲刻梓而告逝焉有
子不能繼其業則其書皆泯沒矣今觀此集蓋
欲發其平生所聞所讀所得所行者也嘗聞東
坡亦留意于方外學具載于本集中有所得必
報子由見于尺牘中所謂經爐上一點雪者直
上苴耳故余嘗曰此坡老學道鼻孔于此敗缺
今又于玉吾此書見其敗缺與東坡同一鼻孔
夜半讀至此不覺大笑婦輩睡皆驚起怪問于
是吹燈就枕明日欲作一書曰枕邊爭語與之

作對未暇姑識之俟予書成併序焉商邱老人
宋無志

右澗先生註易外別有席上腐談書齋夜話其
諸易說既自有刻此編特手筆存於家黃巖林
公守郡時持之而去其家別無副本至今吳中
失其傳矣庚戌秋與海寧董子壬會於吳門談
及家有是書又恐其名之偶同故致詰其所自
云是黃巖人傳錄耳遂爲之信既與子壬別欲
走一介詣子壬而相去三百里之遠奈何今年
五月冒暑訪子壬值潢潦之際孤航渺然水天

相接又復滯雨窮途坐蓬窗之下兀然無聊者
累日雨霽得抵子壬所首以腐談爲愬而子壬
之藏已失去遂同過祝秋官處轉爲假之歸幸
此書又復來吳中斯文不絕僅如一綫耳脩書
所自者示我同志念予歷涉之艱好書不易得
耳六月一日艤舟金粟寺午炊後書

齊東野語二十卷

明正德刊本

宋齊人周密公謹父撰

余世爲齊人居歷山下或居華不注之陽五世
祖同州府君而上種學績文代有聞人大父廕

蹕南來受高皇帝特知通歷三院徑躋中司泰
禧之間大父從屬車外大父掌帝制朝野之故
接歲漏日記可信不誣我先君博

習聞臺閣舊事 對客語音吐洪 不

得休坐人傾聳敬嘆知爲故家文 余鄙侍

膝下竊剽緒餘已有敘次嘗疑某事與世俗之
言殊某事與國史之論異他日過庭質之先子
出曾大父大父手澤數十大帙示之曰某事然
也又出外大父目錄及諸老襍書示之曰某事
與若祖所紀同然也其世俗之言殊傳譌也國

史之論異私意也小子識之又曰定哀多微辭有所辟也牛李有異議有所黨也愛憎一衰議論乃公國史凡幾修是非凡幾易而吾家乘不可刪也小子識之游道多故遺編鉅帙悉皆散亡老病日至忽忽漫不省憶爲大恨間居追念一二於十百想復墜逸爲先人羞迺參之史傳諸書博以說務事之實不計言之野也

異時

者矇曰野言乎子真齊人也余知言哉余故齊欲不齊不可雖然

言哉何言亦言也無所言也無所不言烏乎言

客大笑吾因以名其書厯山周密公謹父書

戴表元序

至元辛卯

胡文璧跋

正德十年

盛景跋

正德乙亥

潮溪先生捫虱新話十五卷

明刊本

黃蕘園舊藏

宋陳善撰

無名氏序曰陳善字子兼福州羅源縣人王温天資穎悟九齡能暗誦五經甫弱冠遊郡庠泮教得其所爲文大驚異之曰崔蔡不足多也時閩文學甲他郡歲大比試者至十萬人子兼獨

步稱雄場屋中名震一時老師鉅儒皆爲之傾
動紹興間爲太學生所與游者天下名士時秦
檜當國子兼慷慨言論慕何蕃陳東之爲人嘗
力詆和議爲非是不徇俗俯仰浮湛有司心雅
惜子兼畏權臣卒不敢取以故不屑効一官子
兼亦不以得喪喜戚動其心拂衣竟趨杜門讀
書自孔孟氏至子史百家佛老陰陽卜筮農圃
之說無不精詣或焚香默坐日不出戶無幾微
見於顏面宦情世故淡如也所居有小溪與潮
合流因自號曰潮溪所著書詩文甚多經殘燬

散逸惟捫虱新話行于世子兼嘗墮圍城中有
談新話者子兼因與謂言而不知其爲子兼也
遂得脫然此特其小小者耳若子兼之所 彼
惡知之彼惡知之

黃氏手跋曰此捫虱新話三本余得諸書友處
取其尙是明代舊刻因收之隨取津逮中本畧
爲對勘亦覺此刻居前稍勝毛本而潮溪先生
小傳惟此猶存洵善本也余考敏求記所載云
有二本其一足影宋本標題云朝溪先生捫虱
新話釐爲十五卷今檢此標題獨多朝溪先生

四字而毛刻猶無殆自宋本翻雕者乎嘉慶二
年歲在丁巳秋日書於讀未見書齋黃丕烈

又跋曰述古所藏向有二本一是宋鈔本不分
卷帙末有羅源陳善子兼跋云丙寅歲余由海
道將抵行在所云戊辰秋余觀書濂溪均蔣氏
見所謂宋鈔者果與述古所藏合而子兼之跋
較敏求記所載爲詳此書余友秋塘張君爲余
借出因得見之遂屬其校于此冊上陳跋及所
多二則用別昏錄之附考焉本書甚古雅宋鈔
之說茲所校者皆秋塘筆余未及親較也秋塘

近始檢還因記庚午夏五月十九坐兩書復翁
又曰此宋鈔本蔣韻濤故後已經散失然巧爲
余友蔣懷堂所收一蔣失而一蔣得倘容借閱
仍可手自讐校一過秋塘已于昨歲化去後韻
濤歿焉而余年較兩君尙小幸而獨留藏書之
家識古之友亦漸少矣丁丑夏張詠菴借校因
其還書而書此復翁

又曰後從詠菴借其手校宋鈔本覆勘一過其
書一百則通作一卷不分類無子目詠菴一一
跋出因照臨于此丁丑秋白露前四日記復翁

敬齋先生古今雜十二卷 舊抄本

元敬齋李治撰

案 四庫全書著錄本從永樂大典錄出此則原本也後有萬曆庚子春三月之吉武林書室蔣德盛梓行兩行凡四百七十餘條首尾完具似無缺佚所謂舊本四十卷者恐傳寫之悞庶齋老學叢談二卷 舊抄本 知不足齋舊藏

元從仕郎崇明州判官致仕盛如梓撰

閒居錄一卷 明抄本 丁秋水舊藏

元吾邱衍撰

右閒中錄一編一名閒中編魯郡吾衍子行所著也其間皆子行手書子行工篆隸書通聲音律呂之說及太元經自號貞白居士性放曠有高尙不事之節每以郭忠恕自比倨傲一世視人巧圖富貴不啻蝨蛆臭腐之將噬染於己尤厭棄詣門請謁有來者從樓上遙與語其人出少間顧吹洞簫撫弄如意不輟又好刺譏時人輕侮文學士獨盛推杭之仇近父婆之胡穆仲汲仲至稱之爲百年士蓄書凡數千卷至大四年冬以事逸去莫知所終此得之其從父云至

正五年正月甲辰養病東閣捉筆記吳郡陸友

仁書

研北雜志二卷

明項氏宛委堂刊本

元陸友仁撰

徐獻忠跋

錢叔寶跋

林應楨跋

陳繼儒跋

右雜說之屬

雲煙過眼錄二卷

舊抄本

齊人周密公謹題

某氏手跋曰弁陽老人所著雲煙過眼錄中附
葉森文璧二氏所見與湯允謨續錄數頁非盡
周公之書也世所傳抄與刻本皆僞舛不可讀
此爲張青甫所校猶有未盡余復重加考正然
其中錯亂無序者尙多聊且錄出以備遺忘戊
午三月廿二日京師橫街時余病口糜食粥一
月矣林村題

右雜品之屬

羣書治要五十卷

東洋刊本

唐秘書監鉅鹿男魏徵等撰

學經室外集徵字元成魏州曲城人官至太子
太師謚文貞事蹟具唐書本傳案宋王溥唐會
要云貞觀五年九月二十七日秘書監魏徵撰
羣書治要上之又云太宗欲覽前王得失爰自
六經訖于諸子上始五帝下盡晉年書成諸王
各賜一本又唐書蕭德言傳云太宗詔魏徵虞
世南褚亮及德言哀次經史百氏帝王所以興
衰者上之帝愛其書博而要曰使我稽古臨事
不惑者卿等力也德言賚賜尤渥然則書實成

于德言之手故唐書于魏徵虞世南褚亮傳皆不及也是編卷帙與唐志合宋史藝文志卽不著錄知其佚久矣此本乃日本人擺印前有魏徵序惟闕第四第十三第二十三卷今觀所載專主治要不事修辭凡有關乎政術存乎勸戒者莫不彙而輯之卽所采各書并屬初唐善策與近刊多有不同如晉書二卷尙爲未修晉書以前十八家中之舊本桓譚新論崔實政要論仲長統昌言袁準正書蔣濟萬機論桓範政要論近多不傳亦藉此以存其梗概洵初唐古籍

也

意林五卷 嚴可均校本

書 扶風馬總元會編

戴叔倫序 貞元二年

柳伯存序 貞元丁卯

嚴氏手跋曰意林二卷從道藏瑟字號錄出竟
二日之力依藏本校對訖嘉慶乙酉歲短至後
一日烏程嚴可均記

續談助五卷 舊抄本

宋晁載之編

續談助五卷宋刻本爲故友秀水令江陰徐君
子寅家藏子寅沒後其家人售于秦汝立氏汝
立廼余門人汝操之弟青年癖古儲蓄甚富亦
友于余假而手錄閱三踰月始訖事惜乎斷簡
缺文未敢謬補藏之茶夢閣以俟善本云嘉靖
壬戌之秋八月二日皇山人姚咨識時年六十
有八

案昇載之字伯宇補之從弟兄也官封邱丞著
有封邱集二十卷學問精確嘗作昭靈夫人祠
詩曰殺翁分我一杯羹龍種由來事杳冥安用

生兒作劉季暮年無骨葬昭靈見邵齋讀書志
呂紫微詩話是書 四庫未收張月霄藏書志
著于錄而不知其名蓋載之先有談助一卷見
宋史藝文志故此名續談助也

紺珠集十三卷

舊抄本

宋朱勝非撰

紺珠之集不知起自何代試嘗仰觀乎天文俯
察乎地理凡可以備致用者雜出於諸子百家
之說枝分派別原始要終粲然靡所不載誠有
益於後學然珠之爲物生於淵而崖不枯固寶

之矣是珠也其色紺然異乎夜光之類特取其
文焜燿而已凡人之思慮有爲物所蔽而昏昧
者取其珠而玩之則了然心悟泱然冰釋回足
以開聰明備記遺忘豈小補哉學者於此能勤
而熟攬之亦若提珠在手厯厯無忘其所能雖
相去千百歲之久可以坐見其創述之末則囊
括倫類蓋無餘蘊矣以是而名其帙不亦宜乎
建陽詹公寺丞出鎮臨汀僕幸登其門一日出
示茲集俾之校勘訛舛將命工鏤板以廣其傳
僕因得以詳究焉增益其所未能所得多矣楊

子不云乎侍君子晦斯光室斯通其是之謂歟
紹興丁巳中元日左承直郎全州灌陽縣令王
宗哲謹序

賀榮重刊序

天順庚辰

直齋書錄解題曰紺珠集十二卷朱勝非鈔諸
家小說傳記視曾慥類說爲畧

尤氏手跋曰紺珠十三卷乃宋朱勝非編百家
小說成此書又有自序云張燕公有紺珠之見
則能記事不忘書之名以此王宗哲乃紹興時
人而曰不知起自何代豈詹寺丞所得本不著

姓氏邪康熙甲午春仲花朝鹽官尤貞起記

案書錄解題秦中歲時記下又云朱藏一紺珠集則是書爲朱勝非撰無疑其書隨手摘錄以備遺忘勝非亦紹興時人想詹寺丞所得傳抄之本不著姓名故曰不知起于何代也

類說六十卷

明抄本

秦西巖舊藏

宋曾慥撰

小道可觀聖人之訓也余僑寓銀峯居多暇日因集百家之說採摭事實編纂成書分五十卷名曰類說可以資治體助名教洪談笑廣見聞

如嗜常珍不廢異饌下筋之處水陸具陳矣覽者其詳擇焉紹興六年四月望日溫陵曾慥引前言往行君子貴於多識稗官小說良史列之九流曾公所編類說蓋此意也余舊藏麻沙書乃紹興庚申所刊本字小而刻劃不精且多舛誤舊必有續刊大字善本分符來此徧令搜訪咸無焉併板亦不存矣因取所藏舊本稍加是正鋟板於郡齋庶可壽此書傳士或有志於聖門友多聞之訓當謂不爲無補寶慶丙戌八月初吉古杭葉皆書於建安堂

重校類說五十卷

舊抄本

秦西巖舊藏

宋曾公亮

卷首有西巖山人印記

自引

葉時序

皇朝類苑六十三卷

舊抄本

宋江少虞撰

自序曰古之史者載藉極博其所表見皆不虛書其軼乃時時見於他說不可不知也太史公網羅天下放失舊聞至於分散數家之事則甚多疎略後世猶或非之然則自漢以來千有餘

歲君臣善惡治亂之外紛紛藉藉日有日繁使
論著之人隨世衷掇有所未盡况軼入他說者
歷年浸久疏殘之餘不少概見則史失其傳矣
史冊所無有學者不道也錯亂磨滅不可復知
者可勝計耶我宋肇興聖神克繼二百年太平
憲物容典踵古治而增華未有輯熙炳煥可考
如今者也不刊信史誠足以表覈萬代然而秘
省邃嚴非外學所得見若其遺文逸說事美一
時語流千載者搢紳先生尙能言之往往皆前
日今世巨公名卿老師宿儒以其所接於耳目

可以警憲于世者筆之載錄傳紀無慮數十家
嘗惜其畔散不屬難以稽考曩因餘暇備極討
論自一話一言皆比附倫類而整齊之去其文
不雅馴或有抵牾者自餘據實條次不敢以一
字增損總凡會目今爲一書名曰皇宋事寔類
苑聖謨神訓朝事典物與夫勲名賢達前言往
行藝術仙釋神怪之事夷狄風俗之殊纖悉備
有釐爲二十八門選義按部考詞就班如出一
家語不待旁搜遠覽而太平遺逸之美麗具在
足以觀見當時風議庶幾乎尙有典刑哉此學

士大夫之所欲聞亦喜傳而樂道也深媿識見
淺陋擇焉不精取焉不詳故於每門之末不敢
斷意訖詞篇篇存之將以有望于後之君子云
紹興十五年五月十七日謹序

少虞自幼喜雜覽家居摘諸史雜史關於風化
者纂成此篇題曰皇宋事實類苑始於本朝祖
宗聖訓終於風土雜志總六十三卷少虞不敏
何敢爲著述但傳舊而已攷之歲月越十四寒
暑更俟博洽君子訂焉紹興戊寅九月日江少

虞志

案江少虞 四庫全書提要云里貫未詳愚案
少虞字虞中常山人政和八年進士調天台學
宮冠至守倅皆遁去少虞獨率弱卒堅守兩旬
慷慨感激人有死志首射殺渠魁賊遂潰歷廷
饒吉三州守治皆第一見弘治衢州府志

皇朝仕學規範四十卷

舊抄本

張鑑

士大夫多媿天資至錯諸行事往往鮮合中道
才非不逮徵法度也前言往行可倣可師佩服
弗替如循三尺則幼學壯行焉往而不中節藐

前修爲易與肆吾意之所嚮跌宕乖盪漫亡據
依幸而齷齪亡聞人猶以不能恕其如得聲名
處貴顯有識將起賢者過之之歎斥規矩以覲
全材屏範模而良器圖是世固無若事也仰惟
熙朝累聖纘承一以姬孔道學造天下士名公
碩儒聞風作興步武相屬其大者功烈在天銘
在鼎彝誠未易闕測至如問學之因深操行之
端方政事之精醕與夫陰功隱德音辭與論流
播簡冊者皆足以擅稱一時詒憲百世鉉天資
庸樸粗知讀書日思技滌膏粱之習以從賢士

大夫後是以席寐前哲採摭舊聞凡言動舉措
粹然中道可按爲法程者悉瓜分鱗次萃爲鉅
編以便省閱夫致知必繇學故先之以爲學學
行之上也故次之行已行已有餘斯可推以及
人故次之以蒞官爲政莫加德故次之以陰德
有德者必有言故以詩文終焉謂其皆可爲終
身法遂目之曰皇朝仕學規範且析爲四十卷
庶幾口詠心惟趣向弗譌昭然中庸大學之可
歎儼乎正人端士之在左右也傳不云乎過者
俯而就不至者跋而及僕方用是自警亦願與

同志共之淳熙歲丙申四月秦川張鉉時可序

自警編不分卷 朱刊本 朱卧菴舊藏

宋趙善瑋

嘗讀詩之抑衛武公所以自警者凡十二章細
釋解旨反覆切至猶歎休哉予辛巳去國屏跡
龜溪省愆餘暇集我朝諸公言行越三年而成
編名以自警蓋警飭予之所不能而庶幾古人
萬一云耳書甫成市書徐生雋典刑錄嘉言善
行臚分品列間類予所編因廣教育攝養好生
使命數門置之座右期無負初意云嘉定甲申

正月望漢國趙善瑋序

噫是編也藥石予疾多矣却掃八年安之義命
宦馳六載粗不愧見吏民皆是編助之也客有
好事者從予抄錄予曰單見謏聞藉是強而進
耳何敢以示人客曰蓬伯玉恥獨爲君子豈用
心之未廣耶予嘉其說遂鋟木于九江郡齋端
平改元三月旦善瑋再書

儀顧堂集有跋

自警編九卷

明弘治刊本

宋趙善瑋撰

自警編九卷 明嘉靖刊本

宋趙善瑋撰

自序

林庭桺序 嘉靖庚子

陳善序 嘉靖四年

百川學海 明華理覆宋刊本

宋左錫也編

言可聞而不可殫書可觀而不可盡先儒嘗有斯語矣夫人以區區聞見將欲周天下之書言雖沒世窮年曾未及太倉之稊米然則記錄之

書其可缺乎古今紀載至多往往好古者類於
迂務奇者隣於誕詳則贅簡則略無他各局於
一體也余舊哀雜說數十種日積月累殆逾百
家雖編纂各殊醜疵相半大要足以識言行裨
見聞其不悖於聖賢之指歸則一楊子雲有言
百川學海而至於海又曰川雖曲而通諸海則
由諸夫川惟其流而不息故能合眾水而朝宗
使其或止或停或有所限而不通則潢潦涸涸
而已矣人能由眾說之流派適學海之淵源則
是書之成夫豈小補因壽諸梓以溥其傳而名

之曰百川學海云時昭陽作噩歲柔兆執徐月
古鄧山人左 禹錫叙

錢福序

右雜纂之屬